

# e-BULETIN JSKM

## Pengalaman yang Mendewasakan

*Norazah Umar*

### Antara Menarik di dalam

- Kolca Kuih Tradisional
- Egypt Trips
- Hebatnya Seorang Ibu
- Perisian Matematik untuk PdP
- Rindu yang Tiada Penghujung

**Edisi November 2023**



# FREE MARKET 5.0

## #RAMADHANRAYA



**Fuziatul Norsyihah Ahmad Shukri**



“FREE MARKET 5.0 #RAMADHANRAYA” telah dianjurkan oleh Malaysian Academy of SME and Entrepreneurship Development (MASMED) UiTM Cawangan Pulau Pinang pada 10 dan 11 April 2023 yang lalu. Program ini adalah kesinambungan daripada Free Market 4.0 yang berlangsung pada bulan Januari yang lepas. Jabatan Sains Komputer (JSKM) tidak pernah melepaskan peluang untuk turut menyertai program ini seperti yang diminta oleh pihak MASMED bagi memeriahkan lagi program tersebut.

Program ini bertujuan untuk memberi sumbangan kepada pekerja pembersihan atau “cleaner” iaitu kebanyakannya adalah daripada golongan asnaf dan B40 serta kepada warga UiTM yang berminat. Konsep program ini adalah mengumpul barangan terpakai yang masih elok dan disumbangkan kepada yang berminat secara percuma.

Free Market 5.0 kali ini bertemakan RamadhanRaya kerana ia berlangsung pada bulan Ramadhan 1444H. Ini merupakan Free Market kali kedua yang berlangsung pada bulan Ramadhan. Oleh itu, ramai staf JSKM yang tidak melepaskan peluang untuk berkongsi rezeki dengan menyumbang barang-barang terpakai seperti pakaian, barang-barang hiasan, buku serta wang bagi membeli barang-barang makanan untuk diagihkan kepada para pelajar serta pekerja ‘cleaner’ yang ada. Secara tidak langsung, barang-barang yang disumbangkan boleh digunapakai untuk keperluan Hari Raya Aidilfitri yang bakal tiba.

Seramai lebih kurang 30 orang pekerja ‘cleaner’ serta para pelajar yang memperoleh manfaat daripada program ini. Diharapkan program khidmat masyarakat sebegini akan diteruskan lagi supaya dapat memberi peluang kepada seluruh warga UiTM untuk menjalinkan hubungan yang baik tanpa mengira pangkat mahupun darjat. Disamping itu, diharapkan juga aktiviti yang dijalankan dapat memupuk rasa kasih sayang sesama insan dan sifat suka membantu antara satu sama lain.